



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KEREITE YA 12**

**SESOTHO PUO YA TLATSETSO YA BOBEDI (SAL)**

**PAMPIRI YA BORARO (P3)**

**PUDUNGWANA 2022**

**MATSHWAO: 80**

**NAKO: Dihora tse 2½**

**Pampiri ena e na le maqephe a 7.**

**DITAELO LE DIKELETSO HO MOHLAHLAHOBUWA**

1. Pampiri ena e arotswe DIKAROLO TSE THARO, e leng:  
KAROLO YA A: Moqoqo (40)  
KAROLO YA B: Ditema tsa Kgokahano tse telele (20)  
KAROLO YA C: Ditema tsa Kgokahano tse kgutshwane (20)
2. Araba potso E LE NNGWE karolong E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Etsa moralo (ka ho iketsetsa mmapa wa monahano/daekramo/tjhate e bontshang tatellano ya mehopollo kapa lenane la dintlha tseo o tlang ho ngola ka tsona) wa tema e nngwe le e nngwe. Ha o qetile ho ngola tema ya hao, e bale hape, mme o lokise diphoso. Meralo e hlahe PELE ho tema e nngwe le e nngwe.
6. Meralo yohle e bontshwe ka tshwanelo hore ke meralo. O eletswa ho seha mola ho habahanya meralo yohle.
7. O eletswa ho sebedisa nako ya hao tjena:  
KAROLO YA A: Metsotso e 75  
KAROLO YA B: Metsotso e 38  
KAROLO YA C: Metsotso e 37
8. Nomora dikarabo tsa hao feela jwalo kaha dipotso di nomorilwe pampiring ena ya dipotso.
9. Ngola sehlooho sa potso eo o e kgethileng.
10. Sehlooho se SE KE sa balellwa ha ho balwa palo ya mantswa.
11. Ngola ka mongolo o makgethe, mme o balehang.

**KAROLO YA A: MOQOQO****POTSO YA 1**

Kgetha sehlooho SE LE SENG mme o ngole moqoqo wa bolelele ba mantswe a 200 ho isa ho a 250. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo mme o be o boele o lekole moqoqo wa hao botjha ho hlaola diphoso.

- 1.1 Pula ya e baka taba! [40]
- 1.2 Ka tla ka tshoha! [40]
- 1.3 Letsatsi la ka la pele sekolong se setjha. [40]
- 1.4 Motho ya nkgothatsang ... [40]

Ditshwantsho tse latelang di hlahisa mehopolo e itseng maikutlong a hao. Kgetha setshwantsho SE LE SENG, mme o ngole moqoqo ka mohopolo wa sehlooho o hlahiswang ke setshwantsho. Ngola nomoro ya potso eo o e kgethang mme o iqapele sehlooho.

1.5



[Setshwantsho se qotsitse ho [google.com](https://www.google.com)]

**[40]**

1.6



[Setshwantsho se qotsitswe ho [google.com](https://www.google.com)]

[40]

1.7



[Setshwantsho se qotsitswe ho [google.com](https://www.google.com)]

[40]

1.8



[Setshwantsho se qotsitse ho [google.com](https://www.google.com)]

[40]

**MATSHWAO OHLE A KAROLO YA A:**

**40**

**KAROLO YA B: DITEMA TSA KGOKAHANO TSE TELELE****POTSO YA 2**

Kgetha mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo mme o be o boele o lekole tema ya hao botjha ho hlaola diphoso.

**2.1 LENGOLO LA SETSWALLE**

Motswalle wa hao o ile a thulwa ke koloi nakong eo a neng a tswa boithabisong. Ngolla motswalle wa hao lengolo leo o mo kgothatsang o be o mo bolelle kamoo o mo utlwetseng bohloko kateng.

**[20]****2.2 LENGOLO LA SEMMUSO**

O ne o le lebenkeleng le rekisang diselefounu motseng wa heno, moo o ileng wa kopa thuso teng empa morekisi a o kgahlapetsa ka mantswe a bohloko. Ngolla mookamedi wa lebenkele lengolo moo o tletlebang ka tshwaro e mpe ke mosebeletsi wa lebenkele la hae.

**[20]****2.3 PUO**

Selemong se fetileng o ile wa tlohela sekolo hara selemo, jwale o kgutletse sekolong. Ngola puo o eletse baithuti ka bohlokwa ba thuto.

**[20]****2.4 RAPOROTO**

O ne o le ka matlwaneng a baithuti kgwedding ya Phupjane ha o tla bona matlwana ao a tjha. Ngola raporoto ho tlalehela mosuwehlooho ka se etsahetseng.

**[20]****MATSHWAO OHLE A KAROLO YA B:****20**

**KAROLO YA C: DITEMA TSA KGOKAHANO TSE KGUTSHWANE****POTSO YA 3**

Kgetha mme o ngole tema E LE NNGWE ya bolelele ba mantswe a 60 ho isa ho a 80 (dikahare feela). Hopola ho etsa moralo mme o be o boele o lekole tema ya hao botjha ho hlaola diphoso.

**3.1 PAMPITSHANA YA TLHAHISOLESEDING**

Malomao o butse kgwebo ya ho lokisa disebediswa tsa thekenoloji motseng wa heno. Ngola pampitshana ya tlhahisoleseding/flaya ho tsebisa baahi ka ditshebeletso tsa kgwebo eo.

**[20]****3.2 WHATSAPP**

Ho na le diphetoho tse entsweng mabapi le thuto ya Sesotho e tla kena ka letsatsi le nako tse itseng. Ngolla baithuti molaetsa ka WhatsApp moo o ba tsebisang ka diphetoho tseo.

**[20]****3.3 DITSHUPISO**

Le etseditse nkgono wa lona moketjana wa ho qeta dilemo tse 80. Ngola ditshupiso o laele Raditshwantsho ho ya moo mokete o tshwaretsweng teng. Mo laele ho fihla sebakeng seo o ikamahantse le tse latelang:

- Boemelo ba ditekesi
- Matshwao a tsela
- Sekolo se tlase sa Ditapoleng
- Mmolo wa Kgubetswana
- Nokana
- Borokgo
- Holo ya motse moo mokete o tla tshwarelwa teng

**[20]**

**MATSHWAO OHLE A KAROLO YA C: 20**  
**MATSHWAO OHLE A PAMPIRI ENA: 80**